

# Mapabaxutoje San Pablo toyaquina Titojavabelia

---

Pacuenia Pablo mapabaxutoje toyaquina Titojavabelia yabara pelivaisi

**1** <sup>1</sup>Xanë Pablönë, Dioso pijajivitonënë. Jesucristo ata pijaapóstolenënë. Jesucristo baja cajena nitoroba jivi tayavenonaenexa Diosojavabelia penajamatabécuenecopatsinexa. Dioso baja cajena tajévelia itapeta bajarapamonae penajamatabécuenecopatsinexa Diosojavabelia. Jesucristo nexata nitoroba bajarapamonae tatsipaebinexa pexaniajailivaisi Dioso pitabarata bajarapamonae xaniavaetsia pejinavanapaenexa. <sup>2</sup>Jesucristo nitoroba tatsipaebinexa pexaniajailivaisi bajarapamonae ata pexainaenexa matacabí apo pevereverecaejava. Pepo bajayatami, Dioso abaxë nacua ata itsa apo exanae, Dioso najumecapanepaeya jumaitsi vajanacarajutsinexa matacabí apo pevereverecaejava. Dioso baja cajena apo penajume-tsénëtsinë. <sup>3</sup>Nexata baja Dioso pecaejétsimatacabita, bajarapalivaisi nacayapétaeyaxana. Nexata Dioso, vajanacacapanepaenénexa, xanë nitoroba jivi tatsipaebinexa bajarapalivaisi. Nexata xanë daxitajivi tsipaebaponajë bajarapalivaisi. <sup>4</sup>Tito, betaxénatomécuenia tacataenë. Tsipaji cayavenonatsi xamë ata nejumecovénëtsinexa Jesucristo pelivaisi. Catoyaquinatsi mapabaxutoje. Catojitsipatsi vaxa Dioso pecayavenonaenexa, Jesucristo ata, vajanacacapanepaenénexa, pecayavenonaenexa. Catojitsipatsi pecaitutotsoniataenexa, pecajamatabécueñe xanepanaeyaexanaenexanu.

Pacuenia Pablo Tito puenetanuta Cretatunaeto nacuata  
petonacuenebinexa Dioso pijacuene yabara pelivaisi

<sup>5</sup>Capuenetatsi baja cajena Cretatunaeto nacuajavata. Capuenetatsi nexanaponaponaenexa, xua abaxë catosajina nejamatabécueneaasaë-yaexanaenexa Dioso pejumecovénëtsivi. Caitorobatsinua baja cajena caetomarapijivi canacujitsia nitapetsinexa ancianovinexa, Dioso pejumecovénëtsivi pevetsivinexa. <sup>6</sup>Nejumenajamatabénapire pacuenia caitorobatsi. Itsa itapetsijitsiamë ponë ancianonénexa, itapetsianame ponë toajibitsi jivi peyabaraneconitsijavanexatsi. Caeva pepitsinë. Pexi Dioso

petojumecovënëtsinëtsi. Pexi apo petoacujirubejenëtsi. Pacuenia ata pexi itoroba, pejumecovënëtsinëtsi. <sup>7</sup>Tsipaji ponë itapetsianame ancianonënexa, Dioso pijacuene tonacuenebiana. Bajaraxuata ancianonënexa, itapetsianame ponë xaniavaetsia peponaponaenë, pianeconijibinë. Beayajamatabécuenenë apo penataenë. Bepijia apo pianaepanaenë. Apo piapaenë piaitajibinexa. Pevëna pebi apo pebenë. Apo pejitsipae-në itsajivi ata yamaxëitojorobiaya pevecuanacobetoxotsinexa palata. <sup>8</sup>Ancianonënënexa, xanepana ponë xaniavaetsia copiapitabiaba pijabota pepatsivi. Pexaniacuene pexanaenë. Xaniavaetsia copiaya penajamatatabëxainaenë pacuene exanaejitsia. Xaniavaetsia peponaponaenë jivi pitabarata, Dioso ata pitabarata. Pexanaponaponaenë daxita pacuenia Dioso pejumelivaisita itoroba jivi pexanaenexa. Pecaëjëpaenëtsi penajamatatabécuenecataitsinexa pibisiacuene pexanaeyaniva. <sup>9</sup>Ancianonënënexa, xanepana ponë casaë tsaponaponae pejumecovënëtsijava palivaisi tsi-paebatsi, pexaniajailivaisi. Bajarapacuenia nexata bajaraponë caëjëpaenatsi itsamonaë ata pejamatabécuenebabatsinexa pexaniajailivaisita. Caëjëpaenatsinua xaniavaetsia pejumecanaviatsinexa pamonaë jamatabécuenenavëxaniabiaya pibisiacuenia baracuaicuajai Dioso pejumelivaisi. Nexata ancianonë xaniavaetsia itsa jumecanaviatsiana pamonaë pibisiacuenia baracuaicuajai Dioso pejumelivaisi, bajarapamonae ata jumecovënëtsiana Dioso.

<sup>10</sup>Bajarapitsijamatabécueveni itapetaponaename ancianovinexa. Tsipaji raja Cretatunaeto nacuata, Dioso pejumecovënëtsivi tuatuajëta, ayaibitsaëto jinavanapa apo pejumecovënëtsivi pacuenia itorobatsi pevetsivitsi. Bajarapamonaeayajuvënëvi ayaubitsaëto judíovi. Bajarapajudíovi jumai tsabiabi: “Pamonaë apo judíovi ata Jesús pelivaisi itsa jumecovënëta, bajarapamonae ata benaperabëcaucubiaexana,” jai tsabiabi. Bajarapajudíovi natsiquejemalivaisi saya cuaicuajai tsabiabi. Nexata yamaxëitojorobaponna Dioso pejumecovënëtsivi. <sup>11</sup>Bajarapajudíovi bejumeitavetame. Tsipaji saya penajumetsënëtsilivaisi jivi tsipaebapona Dioso apo pejitsipaecenia. Bajarapajudíovi, caebopijivi canacujitsia, Dioso pejumecovënëtsivi, najamatatabécuene epatajérerëcaeyaexanapona Dioso pejumecovënëtsijavavecua. Bajarapajudíovi penajumetsënëtsilivaisi jivi tsipaebapona saya pemamatotsinexatsi palata.

<sup>12</sup>Bajayata pina livaisi bitso peyapëtaenëmi ponapona Cretatunaeto nacuata. Nexata pina bajaraponëmi jumaitsi Cretatunaeto nacuapijivi yabara mapacueniaje: “Cretatunaeto nacuapijivi cajena bitso penajumetsënëtsivi. Bitso piacujirubejevi. Ayaijavuña jamatabëxaeyabiaba. Bitso afetaabinua,” jai pina cajena bajayata Cretatunaeto nacuapijinëmi. <sup>13</sup>Xaniajai baja cajena pacuenia jumaitsi bajaraponëmi. Bajara jamatabécueneitsi Cretatunaeto nacuapijivi. Tito, nexata xamë asaëyata itorobare bajarapamonae xaniavaetsia penajamatatabécuenecopatsinexa

Diosojavabelia. <sup>14</sup> Itavere bajarapamona penamuxunaevetsiyaniva judíovi pijasalinaivimi pijalivaisixi. Itaverenua bajarapamona pejumecovénetsiyaniva pacuenia itorobaponatsi pamona copaba pexaniajailivaisi pejumecovénetsijavami.

<sup>15</sup> Pajivi jumecovénëta Jesucristo pesivatépaejavatsi, bajarapajivi ajamatabécuenexuirajibi. Bajarapajivi daxita xua tane, épexaniacuenia sivanajamatabéxaina. Nexata itsacuenejavayo ata apo jamatabécuenejibianaetsi. Pajivi pijinia apo jumecovénëtsi Jesucristo pesivatépaejavatsi, bajarapajivi ajamatabécuenexuira. Nexata bajarapajivi daxita xua tane, pibisiacuenia sivanajamatabéxaina. Nexata daxitacuene jamatabécuenejibianaetsi. Pibisiacuenia exanabiabi ata, jamatejema saya ponapona. <sup>16</sup> “Xanë rabaja bitso Dioso yapétaniji,” jai tsabiabi. Itsiata baitsi jane bajarapamona pibisiacuenia exanavanapa. Nexata nayapétane Dioso apo peyapétæjejava. Bajarapamona itoya Dioso. Bajarapamona apo jumecovénëtsi pacuenia Dioso itorobatsi. Nexata apo caëjëpaetsi itsacuenejavayo ata pexaniacuenie pexanaenexa.

### Pacuenia Pablo Tito itoroba pexanialivaisi jivi petsipaebaponaenexa yabara pelivaisi

**2** <sup>1</sup>Tito, xamë jivi livaisi itsa tsipaebabiabianame, tsipaebabiabianame épexaniajailivaisi. <sup>2</sup>Perujupebijivi muxujibabiabianame penajamatabécuenereviabinexa. Muxujibabiabianame xaniavaetsia pejinavanaenexa jivi peyaiyataenexatsi. Muxujibabiabianame penajamatabécuenecataitsinexa pibisiacuenia pexanaeyaniva. Muxujibabiabianame pexaniajailivaisi, Jesús pelivaisi, xaniavaetsia pejumecovénëtsinexa. Muxujibabiabianame daxitajivi asivaya petaenexa. Muxujibabiabianame, itsamonae bejiobiaexanae atatsi Dioso pejumelivaisi yabara, pevajënaeyabelia pecasaänexa Dioso pejumecovénëtsijava. <sup>3</sup>Bajara pijinia pacuenia muxujibabiabianame perujupetiriavi ata jamatabécuenereviaya pejinavanaenexa Dioso pitabarata. Bajarapamona pibisiacuenia itsamonae apo bebaracuacuajai. Apo biaitajibi tsabiabinua. Bajarapetiriavi itsamonae pexaniacuenie betsitaexanavanapa. <sup>4</sup>Nexata perujupetiriavi itsamonae pexaniacuenie itsa tsitaexanavanapa, jamatabécuenecujarubiana pecovépijipetiriavi ata xaniavaetsia pamonajivi piasivanexa, penacoxiasivane-xanua. <sup>5</sup>Perujupetiriavi itorobianame pemuxujibabiabine pecovépijipetiriavi ata penajamatabécuenereviabinexa, pexaniajamatabécuenie ata penajamatabéxainaenexa. Perujupetiriavi muxujibabiabianame pijabo ata xaniavaetsia pevetsinexa, pexaniacuenie ata pexanabiabine, pamonajivi ata xaniavaetsia pejumecovénëtäbiabinexa. Nexata juya perujupetiriavi muxujibabiabiana pecovépijipetiriavi xaniavaetsia pejinavanapaenexa. Nexata bajarapamona xaniavaetsia itsa jinavanapaena, itsajivi ata pibisiacuenia Dioso pejumelivaisi apo baracuacuajai tsane.

<sup>6</sup> Bajara pijinia pacuenia muxujibabiabianame peviejëavi penaja-matabécuenecataitsinexa pibisiacuene pexanaeyaniva. <sup>7</sup> Xamë xania-vaetsia bajarapamonae épexaniacuene tsitaexanaponaponaename. Nexata bajarapacuenia daxitajivi cacuenetaena xaniavaetsia neponaponaejava. Pexanialivaisi itsa tsipaebabiabianame, tsipaebabiabiana-me nejamatabéethétovetsina nexaniajajumeta jamatabécuenereviaya. <sup>8</sup> Xaniavaetsia tsipaebabiabianame pexaniajailivaisi. Bajarapacuenia itsa exanabiabianame, pecaitoyavi ata aura tsane. Tspaji ajibi tsane pecayabarananeconitsiaexanaejava.

<sup>9</sup> Pajivi bedajubicuenia canajetatsi petonacuenebabbinexa amoneya pijatuxanenë, bajarapajivi muxujibabiabianame pijatuxanenë pejume-covénëtsinexa daxita pacuenia itorobatsi. Muxujibabiabianame xaniavaetsia pijatuxanenë petonacuenebabbinexa pesivajamatabécuenebra-réyanexatsi. Pëtsa bajarapajivi apo jejai pijatuxanenë pitorobijavatsi. Pëtsa jumaitsi pijatuxanenëjavabelia: “Jume raja. Bajarapacuenia apo xanepanae tacatoexanaenexa. Mara Jane pacuenia xanepana tacatoe-xanaenexaje,” jai pëtsa. <sup>10</sup> Pëtsa bajarapajivi muetsia pita pijatuxanenë pijajava. Biji rajane pijatuxanenëjavabelia tsitanajamatabécuenoitajëtsi daxitacuene xaniavaetsia petonacuenebabijava nacobetoxotsinejeva. Bajarapacuenia itsa exanaena bajarapajivi, nexata daxitajivi yapëtaena Dioso vajanacacapanepaenënexa pejumelivaisi pexaniajailivaisicuene.

<sup>11</sup> Dioso baja cajena nacayapëtaeyaexana vajanacaitaxutotsoniataejava. Nexata Dioso nacacapanepaena daxitanacuapijivitsi. <sup>12</sup> Dioso vajanacaya-pëtaeyaexanaexae vajanacaitaxutotsoniataejava vajanacacapanepaenexa, nexata becopatatsi pibisiacuene vajaexanaejavami. Bitso vajajitsipaejava ata mapanacuapijicuene vajaxainaenexa, becopatatsi. Dioso rajane jitsipa mapanacuata nayajivitaeya vajajinavanapaenexa pibisiacuene vajaexanaeyaniva. Nexata Dioso pejitsipaecuenia betoexanavanapatsi. Dioso cuju-naviaya xaniavaetsia bejinavanapatsi. <sup>13</sup> Bajarapacuenia Dioso cujunaviaya xaniavaetsia bejinavanapatsi paepatojebi Jesucristo copiaevetavanapatsi icatsia pepatsijavanexatsica. Nexata icatsia pamatacabí Jesucristo patsia-nica, sivajamatabécuebaréyatsi tsane. Pacuenia Dioso tajëvelia najume-capanepaeya nacajumaitsi Jesucristo pepatsijavanexatsica, bajarapacue-nia xaniajai Jesucristo patsianica. Jesucristo rabaja cajena, pinijiDiosonë, vajanacacapanepaenexa. Bajaraponë penivenivenaecotia yajavapatsiani-ca. <sup>14</sup> Bajaraponë pijacuata tonacaeveta pijavjabitsaë pebeyaxuabinexatsi. Nexata Jesucristo itsa beyaxuabatsi, pijnata nacacomuata pibisiacuene vajaexanaeneconiveua. Nacavecuaajibiaexana baja bajarapaneconimi Jesucristo pijajivitsi vajanacaexanaenexa. Nacajitsipaejaexananua épex-niacuene Jesucristo vajatoexanaenexa.

<sup>15</sup> Daxita bajarapacuenia muxujibaponaename. Jamatabécuebabataponaename asaëya bajarapamonae. Asaëya

muxujiobiabianame pibisiacuene itsa exanapona. Bajarapacuenia muxujiobiabianame Dioso pecatocopatsixae bajarapacuenia nexanaponenexa. Pëtsa copatame itsajivi ata bijaya pecataenexa.

**Pacuenia Dioso pejumecovënëtsivi pexaniacuene  
bexanavanapa yabara pelivaisi**

**3** <sup>1</sup>Dioso pejumecovënëtsivi, Cretatunaeto nacuapijivi, najamata-bénapitsiaexanaename yaiyataeya pejumecovënëtsinexa gobier-no pitorobilivaisi, pejumecovënëtsinexanua gobieno pijajivi ata. Itorobianamenua bajarapamonae pexanaenexa daxitaxua pexaniacuene. <sup>2</sup>Muxujiobiabianame bajarapamonae itsajivi ata pibisiacuenia peba-racuaicuajaiyaniva. Muxujiobiabianame bajarapamonae, itsamonaes itsacueniabi atatsi, pecuenecanaviatsiyaniva. Muxujiobiabianame bajarapamonae pexaniajamatabëcuenia pebarëcuaicuajainexa daxitajivijavablia. Itorobianamenua daxitajivivecua beveliajamatabëcuenevi nataeya pejinavanapanenexa.

<sup>3</sup> Itsa abaxë vaxaitsi ata Dioso apo jumecovënëtsitsi, saya picani jema jinavanapatsi. Apo exanavanapaetsi pacuenia Dioso nacaitoroba. Apo exanavanapaetsinua pacuenia nacuaevertsivi ata nacaitoroba. Naxuabiaya saya jinavanapatsi Dioso pejumelivaisivecua. Pibisiacuene, pacuene vajavitota jamatabëexanatsi, exanavanapatsi. Pacuene ata nacajamatabë-cuenebarëyayaexana, exanavanapatsi. Pibisiacuene bitso exanavanapatsi itsamonaejavabelia. Itsamonaes cuenecaëbabiabatsi. Daxitajivi nacaitoya tsabiabi. Vaxaitsi ata namataenetsia naitoyatsi tsabiabi. <sup>4</sup>Bajara vajaitsvimi ata, itsiata Dioso, vajanacacapanepaenënexa, nacayapëtaeyaexana vajanacaitaxutotsoniataecuene. Nacayapëtaeyaexananua pacuenia ata Dioso nacaasiva daxitatsi mapanacuapijivitsije. <sup>5</sup>Dioso nacacapanepaena vajaneconivecua. Itsiata baitsi jane pexaniacuene vajaexanaejava yabara, Dioso apo nacacapanepae tsane. Jume baja cajena. Dioso raja nacacapanepaena tsipaji nacaitaxutotsoniatane. Nexata nacajamatabëcuenequiata. Dioso vajanacaitaxutotsoniataexae, nacacapanepaena. Espíritu Santo pejamatabëcueneta pejanajamatabëcuenevitsi baja nacaexana. <sup>6</sup>Dioso baja cajena ayaicuenia vajanacayavenonaenexa, Espíritu Santo nacatoitorobica vaxaitsjavabetsica. Bajarapacuenia Dioso Espíritu Santo nacatoitorobica Jesucristo vajanacacapanepaenënexa pejamatab;ectsoniatane. Nexata nacajamatabëcuenequiata. Dioso vajanacaitaxutotsueneta. <sup>7</sup>Bajaraxuata Dioso vaxaitsi yabara jumaitsi: “Bajarapamonae baja ane-conijibia taniji,” jai Dioso. Tsipaji nacaitaxutotsoniatane. Nexata vaxaitsi xainaenatsi matacabí apo peverevererecajava, xua copiaevertavanapatsi.

<sup>8</sup> Daxita baja palivaisi pacatoyaquinatsi, pexaniajailivaisi cajena. Nexata jitsipajë ajumesaëya jivi netsipaebaponaenexa bajarapalivaisi. Nexata Dioso pejumecovënëtsivi épexaniacuene pexanaenexa

pejamatabëcueneenaenexatsi. Bajarapalivaisi bitso xanepana daxitajivi pejumecovënëtsinexa. <sup>9</sup>Nexata navecuaitavetsianame saya jema natsiquejemalivaisixi itsamonaec pecabarëcuaicuajaiyaniva. Navecuaitavetsianamenua judíovi pijasalinaivimi pevënëxi yabara pecabarëcuaicuajaiyaniva. Navecuaitavetsianamenua Dioso Moiséspijinëta penajumecopatsilivaisi yabara anaeya pecajumenotsiyaniva. Bajarapacuenia pecabarëcuaicuajaijava apo xanepanae tsipae itsacuenejavayonexa ata.

<sup>10</sup> Itsamonaec penajumetsënëtsilivaisi jivi tsipaebapona. Nexata bajarapamonaec penajumetsënëtsilivaisita Dioso pejumecovënëtsivi navecuanta sanaayaexanapona. Bajarapapamonae jumeitavetsianame. Anijatobeje ata jumeitavetsianame. Nexata bajarapamonae copatsiana penajumetsënëtsilivaisi jivi petsipaebaponaejava. Jumeitavetsi atamë, itsiata itsa apo cajumecovënëtsi tsane, nexata bajarapamonae itorobianame itsajavabelia peponaenexa. <sup>11</sup>Yapëtaneme rabaja mapacueneje. Ponë peneta copata pexaniajailivaisi pejumecovënëtsijavami, pibisiacuene exana. Nexata bajaraponë nanconita Diosojavabelia pibisiacuene pexanaexae.

### **Pacuenia icatsia Pablo itsalivaisi toitoroba Tito asaëya Dioso petonacuenebinexa yabara pelivaisi**

<sup>12</sup> Catoitorobialiatsi Artemas. Itsa jume, catoitorobialiatsi Tíquico. Bajaraponë itsa patsalia xamëjavabelia, nexata xamë bepijia renamë tsane xanëjavaberena. Nacaxitarabianatsibeje Nicápolis tomarata. Daxita emarapae raja ponaponaenajë Nicápolis tomarata. <sup>13</sup>Itsa baja pacavecuaponaena Zenasbeje Apolosbeje, nexata yavenonaename pacuenia namatavenonaenabeje pijanamutobejenexa. Zenas raja abogadonë, penaneconitsivi peyavenonaeyacuajuijinë. Rajutsianame pacuenia namatavenonabeje, itsacuenejavayo ata petosajinaeyanivatsibeje itsa najetarucabeje namuto. <sup>14</sup>Pamonae vaxaitsi pexanialivaisi tsipaebatsi, bajarapamonae tojitsipajë peyapëtaenexa xua pexaniacuene. Nexata épe-xaniacuene pexanaenexa. Nexata bajarapamonae tojitsipajë asaëya pena-cuenebinexa, peyavenonaenexa pamonaec bitso bepejiobivi. Pëtsa saya bajarapamonae jinavanapa nacuenebinejeva.

### **Pacuenia Pablo itsamonaec jamatabënajina yabara pelivaisi**

<sup>15</sup> Daxita pamonaec yajavaponaponajë, cajamatabënajinalia. Pajamatabënajinaliajë daxita pamonaec pataniasivavi, Dioso pejumecovënëtsivi. Pacatovajétatsi Diosojavabelia daxita paxamë Dioso papecayavenonaenexa.